

# mainatges d'òc **PLUMALHON**

**Lo martinòt**

**Ben Vautier**

**Bastir una  
escòla al Kenya**

**Gorrin e  
Pipaut**



Mensuel Plumalhon N° 111 - Septembre 2006

(5,70 €)

ISSN 1264-6733

# Lo martinòt

**L**o martinòt a lo còs blanc e negre. A lo bèc colorat e l'uèlh es enrodat de roge. Sembla mascarar, un pauc coma un palhassa. Lo martinòt a las patas palmadas. Fa un trentenat de centimètres de nautor.

Tèxte e fotografias de Fred Lavail

**A**quel aucèl marin s'apèla lo martinòt e los estajants de la còsta gascona l'apèlan la picòra.

Las colonias passan pas los dos centenats de cobles. En Escòcia e en Islàndia, los martinòts son plan mai nombroses e las colonias pòdon amassar fins a trenta mila aucèls. Los martinòts cavan una tuta en tèrra que pòt far un mètre o mai de prigondor. Al fons, fan un palhat d'èrba que serà lo nis. La femèla pond pas qu'un uòu e lo coa quaranta jorns.



**S**us la còsta atlantica, se pòt veire quelques martinòts l'ivèrn, mas la prima, es dins d'unes illòts de Bretanha que cèrcan la tranquillitat per pondre e coar. Passan lo mes d'abril sus las rocardas que tresplomban l'ocèan.

**L**os joves son noirts de peis pendent dos meses. Lo martinòt jove daissa lo nis al cap d'aquel periòde e caldrà que se'n tire solet. Solament i a plan perilhs, los gabians o los gabians gròsses que son de predators ferotges los atacan.

Un martinòt pòt viure un vintenat d'annadas. Los autres còps, los caçaires èran lors grands enemics. Ara, son las marèas negras o lo cambiament de climat que los menaçon.

